


Дүйсенбі
күні қалалық
орталықтандырылған
кітапханада
«Ақбеттау» тарихи-
танымдық, әдеби-
көркем журналының
тұсаукесері өтті.

300 данамен жарық
көрген журналдың
алғашқы нөмірі
Мәшһүр Жүсіп
Көпеевке арна-
лып, мұқабасына
аулие бабамыздың
Екібастұздағы
ескерткішінің суреті
басылыпты.

Жанар ӘБДІКӘРІМ



«Ақбеттау» журналы жарық көрді

Тұсаукесерде сөз алған журнал редакторы Сайлау Байбосынның айтуынша, басылымның меншік иесі – Ерәділ Түсіпбаев жетекшілік ететін «Баянауыл ауданының рухани даму қоры». Жылына төрт рет шығатын журнал бұл жолы 110 бет болып жарық көрді. Сүйінші нөмірге Зекебай Солтанбаевтың «Мәшһүр Жүсіп – әлемдік тұлға», Сүлеймен Баязитовтың «Мәшекен-нің тұрмыс жайында...» мақаласы хакында», Сайлау Байбосынның «Мәшһүр Жүсіп пен Хамбо-пама», «Кепшілік Көпей сопыны біле ме екен?» атты мақалалары енгізілген. Сонымен бірге, белгілі дін қайраткері, ғалым, аудармашы, фольклоршы Сәдуақас (Сәкен) халфе Фылманидың (1890-1972 жж.) «Мәшһүр Жүсіп жайлы біраз сөзі» де оқырман қызығушылығын

тудыратын аса құнды материал. Шахталы шаһар аспанынан мезгілсіз ағып тускен жұлдыздай болған марқұм Алмагул Жүгінісованың «Лі-бике» дастаны да журналдың жаңа нөмірінен табылды.

Тұсаукесер жында өлкетанушы, Екібастұз қаласының Құрметті азаматы Сेирік Жақсыбаев «Ақбеттау» атауының төркініне тоқталса, бірқатар оқырмандар басылымды шығару жиілігі арттырылып, беттері көбейтілсе де-ген ұсыныс-тілектерін білдірді. Алдағы уақытта «Қазпошта» каталогынан орын алатын «Ақбеттаудың» келесі нөмірі қазактың тұнғыш режиссері Жұмат Шанинге арналмақ. Олай болса, сөз қазынасымен қазақ руханиятын байытуға бет алған «Ақбеттаудың» зерделі оқырманы көп болсын дейік.